



Claudii Fleurii Abbatis Historia Ecclesiastica

Ab anno Christi 1620 usque ad annum 1623

Fleury, Claude

August. Vind. [u.a.], 1777

VD18 90118855

§. 6. Moravi, Lusatii & Siletii Protestantes ad Cæsaris absequium revocati.

[urn:nbn:de:hbz:466:1-67344](#)

Sæc. XVII.
A. C. 1620.

§. VI.

Moravi, Lusatii & Silesii Protestantes ad Cæsar's obsequium revocati.

*Carafa
Germ. rest.
pag. 91.*

Cum vero Moravi se a Bohemis derelictos, & a Cæsareis undique pressos cernerent, Oratores, qui præteriorum veniam, & privilegiorum confirmationem exorarent, ac vicissim fidem obsequiumque sponderent, Viennam ad Cæsarem ablegare decreverant: comperto autem horum consilio, Turrianus Comes Senior, validi subsidii spe facta, illos ab hoc proposito dimovit: Fidericus quoque ex Vratislaviensi suo exilio celeres nuntios ad Moravos decreverat, qui illos datæ fidei admonerent: nec desuit Bethlenius, qui Hungarorum suppetias, quibus patriam tuerentur, proxime se submissurum pollicebatur. Postquam vero die duodecima Decembris Bucquoius Praga Moraviam versus cum Cæsareis copiis moverat, Moravorum legati obviam eidem vene- re, nuntiantes, se ad omnia ejus jussa fore paratos. Hic vero nil aliud ipsis imperabat, nisi ut Cæsar's clementiæ se subjicerent, quod etiam, Carolo Tscherodino Viennam missò, nulla mora præstiterunt, urbis suæ portis ultro aper-

apertis, & Olmutii, Brunæ & alibi re-
stituta Catholica Religione. Ad horum
exemplum Lusatii quoque, postquam
Saxoniæ Elector Forstiam, Lubaviam,
& Gubam occupaverat, suam fidem
Cæsari obstrinxerunt. Soli Silesii ali-
quantulum tardius in Cæsaris obsequium
rediere, partim scænici sui Regis præ-
sentia animati, partim sectæ suæ eju-
randæ periculum veriti: ubi vero, dis-
simulante Cæfare, Saxoniæ Elector de
eorum privilegiis, & Lutheranæ Reli-
gionis libertate ipsis cavisset, imo e-
tiam, si hæc violari contingeret, auxi-
lium suum pollicitus esset, ultiro sese
dederunt, licet eos vehementer dehor-
taretur Jægerndorfius Brandenburgici
Electoris Frater, qui in Silesia adhuc
omnia perturbabat. Paulopost civita-
tes Imperiales Cæsari victoriam gratu-
latæ, se suaque omnia ad ejus obse-
quium detulerunt, imo Argentoraten-
ses, Norimbergenses, & Ulmenses ma-
gnam auri vim ultiro Cæsari obtulere,
ut hic militi de stipendiis satisfacere,
& victoriam multo felicius prosequi
posset. Præterea Spirensis Episcopus
Udenheimii propugnaculum, quod Pa-
latinus injuste detrui jussit, annuenti-
bus Electore Moguntino & Bavariae
Duce hoc anno restauravit.

C 2

§. VII.